



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quód vnuſ ſit gehennæ ignis, ſed non vno modo omnes cruciet. Ixix.

urn:nbn:de:hbz:466:1-10722

quenter intellectus patet: quia de quibusdam conceditur. Sed tamen ut prædixi, hoc de paruis minimisque peccatis fieri posse credendum est: sicut est assiduus ociosus sermo, inmoderatus risus, vel peccatum curæ rei familiaris: quæ vix sine culpa ab ipsis agitur, qui culpas qualiter declinari debeant sciunt, aut non in grauibus rebus error ignorantiae, quæ cuncta etiam post mortem grauant, si ad huc in hac vita positis minime fuerint relaxata. Nam & cum Paulus dicat, Christum esse fundamentum, atque subiugat, si quis super ædificauerit super hoc fundamentum, autum & argentum, lapides preciosos, ligna, fœnum, stipulam, vniuerscuiusque opus quale sit ignis probabit, si cuius opus arserit, detrimentum patietur, ipse autem saluus erit, sic tamen quasi per ignem: quanvis hoc de igne tribulationis in hac nobis vita adhibito possit intelligi, attamen si quis haec de igne futurae purgationis accipiat, pensandum sollicitè est: quia nullum dixit posse per ignem saluari, non qui super hoc fundamentum ferrum, æs, vel plumbum ædificat, id est, peccata maiora, & idcirco duriora, atque iam tūc insolubilia, sed ligna, fœnum, stipulam, id est, peccata minima atque leuisima, quæ ignis facile consumit. Hoc tamen sciendum est: quia illuc saltem de minimis nil quisque purgationis obtinebit, nisi bonis hoc actibus in hac adhuc vita positus, ut illic obtineat, promereatur.

Quod unus sit gehennæ ignis, sed non uno modo omnes cruciet. Caput LXIX.

Quæso te, unus esse gehennæ ignis credendus est, an *Ex eodē*:
quanta peccatorum diuersitas fuerit, tanta quoque *Pet. int.*
& ipsa æstimanda sunt incendia esse præparata?
Unus quidem est gehennæ ignis, sed non uno modo omnes cruciat peccatores. Vniuerscuiusque etenim quantum *Gre. ref.*
exigit culpa, tantum illic sentietur pena. Nam sicut in
hoc mundo sub uno sole multi consistunt, neccamen eiusdem solis ardore æqualiter sentiunt: quia aliis plus æstuat,
atque aliis minus: ita illic in uno igne non unus est modus
incendi: quia quod hic diuersitas corporum, hoc illic agit
diuersitas peccatorum: ut & ignem nō dissimilem habeant,
& tamen eosdem singulos dissimiliter exuret.

SS. iv